



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Henrici || Svsonis Viri Sanctita-||te, Ervditione Et
Mi-||racvlis Clari, Opera**

Seuse, Heinrich

Coloniae, 1615

De Sacerdotis secularibus. Capvt XII.

urn:nbn:de:hbz:466:1-38029

inueniri monasteria, in quibus seuera, feria ac aspera ducatur vita. D. Non inficior verum id esse. Sed tamen pauca sunt, proh dolor, in quibus vera cernatur strenuitas, feruor & diligentia. H. Quæso, mi Domine, huius te miserescant. Id enim me ex animo perterret atq; affligit.

De Sacerdotibus secularibus.

CAPVT XII.

DEVS: Contuere porrò, vt Sacerdotes secularares bona & facultates suas consumant, vt, ea quæ ex Ecclesiasticis accipiunt Beneficijs, luxuriando, commessando, potando, fastum ac superbiam sectando, tam turpiter abigant & absumant. Vide quam præter omne decorum sacerdotij, vestes habeant planè inhonestas, quam petulanter & indigne multis modis sese gerant. Adspice vt bona Ecclesiæ, quæ ipse ego meo acquisiui sanguine, quæ que fideles pro suarum salute animarum, interim diras Purgatorij pœnas luentium, obtulerunt, tam à religiosis quam secularibus sacerdotibus dilapidentur. Vide quantum ij omnes dignitatis & honoris sui rationem habeant, & ita, vt ea exigunt, viuant: quamque parum in illis omnibus, quæ siue agunt, siue omittunt, Deum ex animo spectent & ament. Enim uerò omnis erga DEVM strenuitas & feruor apud eos iacet ac refrigit, & ita parum curant experiri ac sentire DEVM in interioribus suis ac si id nihil ad eos pertineat: neque huius eos aliqua tenet sollicitudo. Potius de magris

Ecclesiæ reditibus cumulandis, itemq; de magna acquirenda scientia cogitant, vti videlicet per hanc, celebrem sibi apud Ecclesiasticos & Laicos existimationem, honoremq; & diuitias comparent. Magis, inquam, eo spectant vti hominum sibi capent gratiam, hominibusq; se venditent & placeant, quàm vt Deum eiusque gratiam intus percipiant. Vnde fit vt suam ab eis Deus gratiam, qua præditi sunt, auferat, illisq; largiatur.

H. Id vero mirum videtur. Itane Domine Deus ab eo aufers gratiam tuam, qui parum habet, & præstas illi qui ea abundat?

D. Cum gratiam Deus largitur suam, & in qui accipit, malè eam seruat, rursus tollitur ab eo, daturq; multum habenti, eamque seruidè amanter custodienti. H. Gratias tibi Domine Deus, quod vel aliqui supersunt, qui tuæ gratiæ capaces sint, eamque conseruent.

Seruatorum
Dei paucitas
quanta corū
que quanta
necessitas.

D. Noueris eos esse paucissimos: ijdemque in morentur, mox Christiana religio periret interiret. H. Huius, obsecro Domine, te miserere. Equidem, si modo possem, libens sanguinem cordis mei ob id per oculos meos profunderem. D. Effet id aliquid, si quid tamen prodesse posset.

De Beguinis.

CAPVT XIII.

Beginarum
modernarū
quale studiū

DEVS: At nunc tuos aduerte obtutus ad contemplandam Beginarum vitam, cuiusmodi ea hodie sit. Vide, quæso, vbi iam